



U meyjul ti' ts'aa bo'ol p'aaxil ti' u kanáanta'al miatsil

**Tumutt'aan**

Noj kaajil México, wuk ti' u winalil febrero ti' óox tu ka'a k'áal ti' tu wak baak' ja'ab-----

Ti' le mejen kajtalilo'obo' yéetel máasewal kaajilo'ob ku táakbesikubajo'ob ichil u maaya kaajilo'ob Campeche, Quintana Roo yéetel Yucatán, ku ts'a'abal u yojéelto'ob:

Le u Noj Mola'ayil ti' u Páajtalil ti' Máax Yáax beetmij meyajo', tu káajsaj u beetik u meyjul ti' ts'aa bo'ol p'aaxil ti' u kanáanta'al miatsil ku k'áatal beetbil tumeen **u múuch'il Noj Múuchkabil Maya ti' Quintana Roo beyxan yéetel u Múuch' Maaya kaajilo'ob ti' Quintana Roo**, tu yóok'lal **Desarrollos Ecológicos Milenium S. de SS. y/o Corporativo Millenium**, tumeen u meyáajtik ma' tu beel u chíkulalilo'ob miatsil je'el bix:

U meyáajtik yéetel u konik le t'aano'ob **Yokol Kaab** (Yóok'ól Kaab u k'áat u ya'ale yóok'ol lu'uum) yéetel u meyáajtik u yoochel Kukulkán wáa Kukulkán, lekéen u meyáajtik ti' le kon k'aaba' **Yokol kaab luxury villas.**

1

Le je'elo'oba' mina'an u ts'aa mokt'aan le maaya kaajo'.

Ichil le meyaja', le u Noj Mola'ayil Múuch'il Máasewal Kaajo'obo' ts'o'ok u yilik le xóot't'aano'ob táanil e'esaba' ku táakpajal ichil u miatsil le maaya kajo'ob ti' le kajtalo'ob yaan ichil le méektáankaajo'ob ti' u Noj lu'umil Campeche, Yucatán yéetel Quintana Roo, je'el bix yanik tu NojTsoolil Noj Máasewal T'aano'obo'.

Yo'olal le je'el túuna'. **KU K'ÁATA'AL TI'** le kaajo'ob yéetel máasewal mejen kaajo'ob ku táakbesikubajo'ob ichil le maaya kaajo'ob ti' Campeche, Quintana Roo yéetel Yucatán, utia'al ichil u xuul **JO'O LAJUN KI'IINO'OB (XMA' SÁBADO YÉETEL DOMINGO) ku yáalkab lekéen u xoko'ob wáa lekéen u yu'ubo'ob le k'ubent'aana**, ka u beeto'ob un yojéeltik le jala'acha' wáa ku tuukultiko'ob yo'sal u meyáajta'al le t'aana' **Yokol Kaab** (Yóok'ól Kaab u k'áat u ya'ale yóok'ol lu'uum) yéetel u meyáajta'al u yoochel Kukulkán wáa Kukulkán, lekéen meyáajta'ak ti' le kon k'aaba' **Yokol kaab luxury villas.** ku k'askúuntik u páajtalilo'ob yaanti'o'ob yo'sal u miatsil le maaya kaajo'.

Wáa ku tuukultiko'ob ku k'askúunta'al u páajtalilo'obo' unaj, u ts'áako'ob ojéeltbil tumeen le jala'acha' yéetel jump'éel ts'íib joronts'íibta'an wáa yaanti' u ts'am oochel yaalk'ab máaxo'ob nupt'aantik u páajtalilo'ob u kaajal wáa u kajtalil je'el bix suukil u beeta'al yéetel u múuch'il a'almaj t'aanilo'obe'.



Vs

U meyjul ti' ts'aa bo'ol p'aaxil ti' u kanáanta'al miatsil

Je'el bix u paatanile', unaj u ts'aiko'ob ti' le ts'íibo', le je'elo'oba':

- I. U k'aaba' máax k'ubik le ts'íibo', tu'ux ku ye'esik ba'ax kaajil wáa chan kaajil ku nupt'aantik
- II. Tu'ux yaa u kaajal ti' le Noj lu'uma' wáa tu noj kaajil México.
- III. Wáa yaanti'e', u xookolo'ob u nu'ukul t'aan wáa u korreo elektroniko.
- IV. U k'aaba' máax ku ts'a'abal tumeen le kaaj utia'al ka u nupt'aant ti' le meyjulila'.
- V. U k'aaba' yéetel tu'ux ku p'áatal le kaaj óolalta'ana'.
- VI. Jump'éel bixa u béeytal u ts'aabal xuulil ti' le talamila'.
- VII. U joromts'íib maáx k'ubik le ts'íibo'.
- VIII. U kúuchil yéetel u k'iinil

Le ts'íib ku ya'alalo' je'el u béeytal u k'uba'al ti':

- 1. Tu kúuchil u Noj Mola'ayil ti' Páajtalil ti' Máax yáax beetmij meyaj yaan tu beejil Puebla u xookolol 143 yáax ka'anlil naj, tu colonia Roma Norte, ti' u Alcaldia Cuauhtemoc, C.P. 06700, ti' u noj kaajil México.
- 2. Je ti' máakalmak kúuchil Nupt'aanil wáa Múuchil Tsool Máasewal Kaajo'ob yéetel Kúuchil miatsil paaxo'ob ti' le Noj Mola'ay Máasewal Kaajo'ob yaan ti' Campeche, Quintana Roo yéetel Yucatán

2

Wáa ma' k'uba'ab le ts'íib ichil le k'iino'ob ku ya'alalo', ma'atan u béeytal u beeta'al u meyajil le k'áatanilo', le o'olal unaj u k'uba'al le k'áatts'íiba' ichil u xuul **JO'O LAJUN KI'IINO'OB (XMA' SÁBADO YÉETEL DOMINGO)** ku yáalkab lekéen u xoko'ob wáa lekéen u yu'ubo'ob le k'ubent'aana.

Bey tu ya'alaj yéetel tu joromts'íibtaj le aj ka'ansaj Juan Miguel Ruiz Pérez, U Po'opil u kanáanta'al ma' u ch'a'atia'alinta'al u meyaj Máax yáax beetmil meyaj je'el bix ts'aaba'anil yéetel ku ye'esik le artículo 2, apartado B, fracción IV, 26 y 27 ti' u Tsoolt'aanil ichil u Mola'ayil Miatsil; 1, 2, 3, fracción IX 11, 58, 59 fracción II y 61 ti' u A'almaj T'aanil u Kanáanta'al u Miatsil Kaajo'ob yéetel máasewal kaajo'ob yéetel Afromexicanas; 3º, fracción IV, y 12, fracción XIV, yéetel u ts'ook u xóot' múuch' ts'íib, ti' u Tsoolt'aanil ichil ti' u Noj Mola'ayil ti' Páajtalil ti' Máax yáax beetmij meyaj. Kin wilik jach beyo'.

U Po'opil u kanáanta'al ma' u ch'a'atíalinta'al u meyaj  
Máax yáax beetmil meyaj

Mtro. Juan Miguel Ruiz Pérez

